



Xalq so'zi

O'zbekiston —
kelajagi
buyuk
davlat

2023-YIL — INSONGA E'TIBOR VA SIFATLI TA'LIM YILI

1991-yil 1-yanvardan chiqa boshlagan

WWW.XS.UZ

E-mail: Info@xs.uz

2023-yil 3-sentabr, № 184 (8527)

Yakshanba

Saytimizga o'tish uchun QR-kodni telefoningiz orqali skaner qiling.



BIRINCHI PREZIDENTIMIZ XOTIRLANDI

Prezident Shavkat Mirziyoyev
2 sentyabr kuni Samarqand shahridagi
Hazrati Xizir majmuasiga tashrif buyurib,
Islom Karimov maqbarasini ziyorat qildi.

Qabr poyiga gul qo'yib,
Birinchi Prezidentimiz xotirasiga
hurmat bajo keltirdi.

Qur'on oyatlarini tilovat etilib, duo o'qildi.

Islom Abdug'aniyevich Karimov O'zbekiston mustaqilligini e'lon qilib, davlat boshqaruvini yangidan qurgan, tariximizning murakkab va og'ir davrlarida barqarorlikni saqlab, xalqimiz manfaatlarini ta'minlagan.

Prezident Shavkat Mirziyoyev uning bu xizmatlarini munosib qadrladi. Davlatimiz rahbarining 2017 yil 25 yanvardagi qaroriga muvofiq, Birinchi Prezidentimiz xotirasini abadiylashtirish bo'yicha ko'p ishlar qilindi. Yurtimizdagi yirik majmualar, shaharlardagi markaziy ko'chalarga Islom Karimov nomi berildi. Toshkentda Islom Karimov nomidagi ilmiy-ma'rifiy yodgorlik majmuasi tashkil qilindi, Samarqandda maqbara barpo etildi.

Fidoyilarini e'zozlaydigan xalqimiz Birinchi Prezidentimizni hurmat bilan yodga oladi. Ushbu xotirlash marosimi ham o'tganlar yodiga hurmat, yosh avlodga ibrat maktabidir.

Marosimda parlament va hukumat a'zolari, jamoat tashkilotlari vakillari, mehnat faxriylari ishtirok etdi.

O'zA.

Aks sado

O'ZBEKISTONNING IQTISODIY TARAQQIYOTI YO'LIDAGI SA'Y-HARAKATLARGA YELKADOSHIMIZ

O'zbekiston Prezidenti
Shavkat Mirziyoyevning davlatimiz
mustaqilligining 32 yilligiga bag'ishlangan
tantanali marosimdagi nutqiga Xitoy
ekspert va ishbiarmon doira vakillari
o'z fikr-mulohazalarini bildirdi.

Li SZIGO,
Xitoy Xalqaro munosabatlar akademiyasining
Yevrosiyo tadqiqotlari instituti direktori:

— Prezident Shavkat Mirziyoyevning O'zbekiston Respublikasi mustaqilligining 32 yilligiga bag'ishlangan tantanalari marosimdagi nutqi menda chuqur taassurot qoldirdi.

Elchi Vitaliy FEN:

MUSTAQILLIK BIZ UCHUN ENG OLIY QADRIYAT

Janubiy Koreyaning nufuzli "The Korea Times" gazetasida O'zbekiston elchisi Vitaliy Fen bilan "Mustaqillik biz uchun eng oliy qadriyat" sarlavhasi ostida suhbat chop etildi.

Intervyuda mustaqillik yillarida O'zbekistonda amalga oshirilgan ijobiy o'zgarishlar, ayniqsa, so'nggi yetti yil ichida deyarli barcha sohada qo'lga kiritilgan yutuqlarimiz, shuningdek, ikki mamlakat o'rtasidagi munosabatlarning bugungi holati va istiqbol-lari haqidagi ma'lumotlar o'z aksini topgan.

"Shu kunlarda O'zbekiston xalqi Vatanimizning ijtimoiy-siyosiy, ma'naviy-ma'rifiy hayotida butunlay yangi davrni boshlab bergan unutilmas tarixiy voqea — O'zbekiston davlat mustaqilligining o'ttiz ikki yillik sanasini baland ruh va ko'tarinki kayfiyat bilan nishonlamoqda, — deya ta'kidlaydi elchi. — Barcha yutuqlarimiz omili, kuch-g'ayrat, faxr va ilhom manbai bo'lib xizmat qilayotgan Vatanimiz mustaqilligining mazkur shonli sanasini munosib kutib olish va yuksak saviyada nishonlash maqsadida joriy yil 27 iyul kuni davlatimiz rahbarining "O'zbekiston Respublikasi

davlat mustaqilligining o'ttiz ikki yillik bayramiga tayyor-garlik ko'rish va uni o'tkazish to'g'risida"gi qarori qabul qilindi.

Diplomat mazkur hujjatda mamlakatimizda turli millat va diniy konfessiya vakillari o'rtasida ahillik va totuvlik muhitini yanada kuchaytirish, jamiyatda tinch-osoyishta hayotni ta'minlash borasida bajarilayotgan ishlarining ahamiyatini chuqur tahlillar, aniq hayotiy misollar yordamida keng jamoatchilikka yetkazish vazifasi belgilanganini qayd etgan. Shuningdek, bayramga tayyor-garlik ko'rish va uni o'tkazish jarayoni "Yangi hayot uchun, Yangi O'zbekiston uchun!" degan bosh g'oya asosida amalga oshirilishi alohida urg'ulangan.

"Bundan o'ttiz ikki yil muqaddam, ya'ni 1991 yil 1 sentyabrda jahon xaritasida "O'zbekiston Respublikasi" degan yangi, mustaqil davlat paydo bo'ldi.



SAMIMIY QUTLOVLAR

Ko'p millatli xalqimiz hayotidagi muhim sana — davlat mustaqilligining 32 yilligi munosabati bilan O'zbekiston Respublikasi Prezidenti Shavkat Mirziyoyev nomiga xorijiy davlatlar va hukumatlar, nufuzli xalqaro va mintaqaviy tashkilotlar rahbarlari, taniqli siyosat, jamoat va din arboblardan tabriklar kelmoqda.

Xorijiy hamkorlar o'z qutlovlarida keyingi yillarda demokratik yangilanishlar va milliy taraqqiyot yo'lidagi ijtimoiy-iqtisodiy islohotlar dasturini amalga oshirishda, mamlakatimizning xalqaro maydondagi o'rni

va obro'sini yuksaltirishda erishilgan ulkan muvaffaqiyatlarni alohida qayd etgan.

Ta'kidlanganidek, yaqinda bo'lib o'tgan muhim siyosiy voqea — yangilangan Konstitusiyaning qabul qilingani xalqimiz yangi O'zbekistonni barpo etishga qaratilgan ortga qaytmas islohotlarni so'zsiz qo'llab-quvvatlayotganidan dalolatdir.

Tabriknomalarda davlatimiz rahbariga yangi muvaffaqiyatlar hamda O'zbekiston xalqiga tinchlik, farovonlik va ravnaq tilaklari izhor etilgan.



O'ZBEKISTON
RESPUBLIKASI
PREZIDENTI
SHAVKAT MIRZIYOYEV
JANOBI OLIYLARIGA

Hurmatli Prezident janoblari!

Mustaqillik kuni munosabati bilan Sizga va O'zbekiston Respublikasi xalqiga eng samimiy tabriklarimni qabul qilgaysiz.

O'tgan yillarda mamlakatlarimiz do'stona munosabatlar va hamkorlikni yo'lga qo'ydi. Ular yanada rivojlanishiga, xalqlarimiz o'rtasidagi almashinuvlar va do'stlik mustahkamlanishiga umid qilaman.

Chin yurakdan Sizga mustahkam sog'liq va baxt-saodat, O'zbekiston Respublikasiga esa uzluksiz ravnaq tilayman.

Hurmat bilan,

Yun Sok YOL,
Koreya Respublikasi Prezidenti



O'ZBEKISTON
RESPUBLIKASI
PREZIDENTI
SHAVKAT MIRZIYOYEV
JANOBI OLIYLARIGA

Mustaqillik kuni munosabati bilan Siz, Prezident janoblariga va do'st O'zbekiston xalqiga farovonlik va ravnaq tilayman.

O'zbekiston va Italiyani mustahkam do'stlik rishtalari bog'lab turadi. Ushbu do'stlik Sizing yaqindagi Italiyaga tashrifingiz davomida strategik sheriklik o'rnatilishida o'zining amaliy ifodasini topdi.

Ishonchim komil, Toshkent va Rim siyosiy, iqtisodiy va madaniy sohalaridagi, shu jumladan, Yevropa Ittifoqi bilan munosabatlar doirasidagi hamkorlikni yanada mustahkamlash mamlakatlarimizga manfaat keltiradi.

Tinchlik va barqarorlikni ta'minlash vositasi sifatida mamlakatlarimiz o'zaro muloqot va anglashuvga qaratayotgan e'tibor bugungi sharoitlarda yanada katta ahamiyat kasb etmoqda.

Fursatdan foydalanib, Italiya Respublikasi va shaxsan o'z nomidan Siz va barcha yurtdoshlaringizni dildan qutlayman.

Serjo MATTARELLA,
Italiya Respublikasi Prezidenti



O'ZBEKISTON
RESPUBLIKASI
PREZIDENTI
SHAVKAT MIRZIYOYEV
JANOBI OLIYLARIGA

Mamlakatimiz Mustaqilligi kuni munosabati bilan Sizga va xalqingizga Qatar Davlati xalqi nomidan hamda shaxsan o'z nomidan samimiy tabriklarimiz va ezgu istaklarimizni yo'llashdan mamnunman.

Siz, Janobi Oliyarlarga, sihat-salomatlik va baxt-saodat hamda O'zbekiston xalqiga farovonlik va doimiy taraqqiyot, shuningdek, kelgusida mamlakatlarimiz o'rtasidagi do'stona munosabatlar yanada mustahkamlanib borishini tilab qolaman.

Yuksak ehtirom ila,

Shayx Tamim bin Hamad OI SONIY,
Qatar Davlati Amiri



O'ZBEKISTON
RESPUBLIKASI
PREZIDENTI
SHAVKAT MIRZIYOYEV
JANOBI OLIYLARIGA

Janobi Oliyarlari,

O'zbekiston Respublikasining Mustaqillik kuni munosabati bilan samimiy tabriklarimni yo'llashdan mamnunman.

Pokiston O'zbekiston mustaqilligini birinчилardan bo'lib tan olgan mamlakat sifatida turli sohalarida ikki tomonlama hamkorlik aloqalarini mustahkamlashga katta ahamiyat beradi.

So'nggi yillarda o'zaro sa'y-harakatlar natijasida Pokiston va O'zbekiston o'rtasidagi samarali davlatlararo hamkorlik barcha sohalarida umumiy manfaatlar yo'lida izchil rivojlanib borayotgani quvonarlidir.

Ishonchim komilki, biz qardosh xalqlarimiz farovonligi, mintaqamizda tinchlik, barqarorlik va bunyodkorona hamkorlikni ta'minlash yo'lida mamlakatlarimiz o'rtasidagi strategik sheriklikni har tomonlama mustahkamlashda davom etamiz.

Pokiston xalqi nomidan Siz, Janobi Oliyarlarga sihat-salomatlik, baxt-saodat va farovonlik, birordar O'zbekiston xalqiga esa abadiy tinchlik va ravnaq tilab qolaman.

Janobi Oliyarlari, Sizga bo'lgan yuksak ehtiromimni qabul qilgaysiz.

Orif ALVIY,

Pokiston Islom Respublikasi Prezidenti



O'ZBEKISTON
RESPUBLIKASI
PREZIDENTI
SHAVKAT MIRZIYOYEV
JANOBI OLIYLARIGA

Janobi Oliyarlari!

Mamlakatimiz Mustaqilligi kuni munosabati bilan Sizga va O'zbekiston Respublikasining butun xalqiga eng samimiy tabriklarimni bildirishga ijozat bering.

Dunyomiz duch kelayotgan xatarlar kambag'allik va tengsizlikdan tortib nizolar va iqlim o'zgarishigacha — birdamlik, o'zaro hurmat va anglashuvga asoslangan jamoaviy sa'y-harakatlarni taqozo etmoqda.

Farovon kelajakka erishish uchun har bir mamlakat o'z milliy chegaralari bilan cheklanib qolmasdan, tinchlik, inson huquqlari, qayerda yashayotganidan qat'i nazar, barcha odamlar uchun ravnaq va barqaror taraqqiyotni ilgari surish borasidagi sa'y-harakatlarni qo'llab-quvvatlashi zarur.

Birlashgan Millatlar Tashkiloti ushbu muhim sanani nishonlashayotgan O'zbekiston Respublikasi xalqining shodligiga sherik bo'lar ekan, ham insoniyat, ham sayyoramizning yanada farovon, yanada sog'lom va xavfsiz kelajagini ta'minlash bo'yicha birgalikdagi ishlarimiz davom etishiga umid qiladi.

Janobi Oliyarlari, Sizga bo'lgan yuksak hurmat-ehtiromimni qabul qiling.

Antoniu GUTERRISH,

Birlashgan Millatlar Tashkiloti Bosh kotibi



O'ZBEKISTON
RESPUBLIKASI
PREZIDENTI
SHAVKAT MIRZIYOYEV
JANOBI OLIYLARIGA

Janobi Oliyarlari,

Sizni O'zbekiston Respublikasining 32 yilligi bilan dildan qutlashga ijozat bergaysiz!

O'zbekiston suveren taraqqiyot yillarida o'zini barpo etish, ijtimoiy-iqtisodiy va davlatchilikning hayotiy muhim tarmoqlarini rivojlantirish bo'yicha katta yo'lga bosib o'tdi. Sizingiz uzoqni ko'zlagan siyosatingiz va tizimli islohotlaringiz tufayli qonun ustuvorligi mustahkamlanmoqda, aholi turmush darajasi yuksalmoqda va xalqaro hamkorlik ko'lami kengaymoqda.

Yangi O'zbekistonning zamonaviy taraqqiyot modeli davlat va jamiyatni rivojlantirishning fundamental asoslarini har tomonlama mustahkamlash, chuqur o'ylangan ichki siyosat va pragmatik mintaqaviy siyosatni yuritishga yaqqol misoldir.

O'zbekistonning SHHT jarayonidagi ishtiroki hamkorlik mazmunini boyitmoqda va SHHTning xalqaro nufuzini oshirmoqda.

O'zbekistonning tashabbuslari tufayli keyingi yillarda Shanxay hamkorlik tashkiloti doirasida ko'p qirrali hamkorlik barcha yo'nalishlarda chuqurlashtirib bormoqda.

Shu munosabat bilan Sizga Tashkilot va SHHT Kotibiyati faoliyatiga e'tiboringiz va ko'magingiz uchun chuqur minnatdorlik bildiraman.

Fursatdan foydalanib, Sizga, hurmatli Shavkat Mirziyoyev, mustahkam sog'liq, farovonlik va O'zbekiston Respublikasi ravnaqi yo'lidagi faoliyatingizda katta muvaffaqiyatlar tilayman.

Chuqur hurmat bilan,

Chjan MIN,

Shanxay hamkorlik tashkiloti bosh kotibi

Quyidagilar ham o'z tabriklarini yo'llagan:

Latviya Respublikasi Prezidenti Edgars Rinkevichs,

Buyuk Britaniya va Shimoliy Irlandiya Birlashgan Qirolligi Qirolli Charlz III,

Shveyscha Qirolli Karl Gustaf,

Moldova Respublikasi Prezidenti Maya Sandu,

Shri-Lanka Demokratik Sosialistik Respublikasi Prezidenti Ranil Vikramasinghe,

Maldiv Respublikasi Prezidenti Ibrohim Muhammad Solih,

Myanma Ittifoqi Respublikasi Davlat boshqaruvi kengashi raisi Min Aun Xlayn,

Osiyo infratuzilmaviy investitsiyalar banki prezidenti Szin Lisyun,

Ta'lim, fan va madaniyat masalalari bo'yicha Islom tashkiloti (ISESCO) bosh direktori Salim al-Malik,

Ipak yo'li fondi raisi Chju Szyun,

O'zbekiston — Germaniya ishbiarmonlar kengashi ijrochi direktori Falk Porshe.

Qutlovlar kelishda davom etmoqda.

Yangi hayot uchun, Yangi O'zbekiston uchun!

OZOD YURT OBODLIKDAN YASHNAGAY

Ozod va hur diyorda yashamoqlik — ulug' saodat. Mana, 32 yildirki xalqimiz ana shu hurlik hamda ozodlik havosidan erkin nafas olmoqda. Ertangi kunga ishonchi yuksalib, hayotidan rozi bo'lib yashamoqda, el farovonligiga hissa qo'shib, yurt istiqboliga tayanch bo'ladigan oqil va dono farzandlar tarbiyalamoqda.

Mustaqil va obod yurtdagina inson o'zini erkin his qiladi, o'zligini anglaydi, yurug' istiqbolga ishonchi ustuvor bo'ladi. Binobarin, ozod yurt obodlikdan yashnaydi, chiroy ochib, jamolini ko'z-ko'z qiladi.

Bugun yurtimiz ko'rkun tarovatiga boqib, Istiqloq yaratgan mo'jizani har qadamda his qilish qiyin emas. Bu erkinlikdan ilhomlanib, yurtini obod etishga bel bog'lagan bunyodkor xalqimizning aql idroki, fidoyiligi namunasidir. Xalqning baxtu saodati uning shu yurtini, shu ona tuproqni ardoqlashi, unga sodiq xizmat qilishi bilan belgilanadi.



Elchi Vitaliy FEN:

MUSTAQILLIK BIZ UCHUN ENG OLIY QADRIYAT

O'tgan tarixan qisqa vaqt davomida elimizning fidokorona mehnati va qat'iyligi bilan milliy o'zligimiz, qadimiy tariximiz, boy madaniyatimiz, ezgu qadriyat hamda an'analimiz qayta tiklandi, davlat va jamiyat hayotining tub asoslari o'zgarib, mamlakatimiz dunyo hamjamiyatida o'zining munosib o'rni ega bo'ldi...

lakatlarimiz o'rtasida davlatlararo, hukumatlararo va idoralararo ikki yuzdan ortiq hujjatlar qabul qilingani haqidagi ma'lumotlar mush-tariylar e'tiboriga taqdim etilgan. Mazkur salmoqli huquqiy baza o'zaro hamkorlikning mustahkam poydevori bo'lib xizmat qilmoqda. So'nggi yillardagi aloqalar natijasida O'zbekiston — Janubiy Koreya munosabatlari alohida strategik sheriklik darajasiga ko'tarildi. Koreya Respublikasi — O'zbekistonning asosiy savdo-iqtisodiy hamkorlaridan. Keyingi yillarda tovar ayirboshlash va qo'shma korxonalar soni qariyb ikki barobar ortdi...

Intervyuda, shuningdek, bugungi kunda Janubiy Koreyaning yetakchi kompaniyalari tomonidan yurtimiz iqtisodiyotining turli so-halarida yuzlab ustuvor investisiya loyihalari amalga oshirilgani va ular jadal davom etayotgani ma'lum qilindi.

"Hozirgi kunda O'zbekistonda koreyalik investorlar ishtirokida ochilgan 900 ga yaqin korxonalar faoliyat yuritmoqda, — deydi mam-lakatimiz diplomatik vakolatxonasi rahbari. — Umuman olganda, Koreya Respublikasidan o'zlashtiril-gan investitsiyalar hajmi 7,3 mil-liard dollardan ortgan. 2022-yilda ikki mamlakat o'rtasidagi savdo aylanmasi 2,3 milliard dollardan oshib ketdi".

Suhbatda ta'kidlanganidek, Janubiy Koreya Eksimbanki ham-da Iqtisodiy taraqqiyot va ham-ko'rilik fondi (EDCF) bilan ko'p yillik samarali hamkorlik alohida diq-qatga sazovor. Ushbu jamg'arma doirasidagi moliyalashtirish hajmi 1 milliard dollarga yetkazildi. Ja-nubiy Koreyaning Xalqaro ham-ko'rilik agentligi (KOISA) bilan sermahsul sheriklik ham kengay-moqda.

"Muxtasar aytganda, azaldan savdo, ilm-fan, madaniyat marka-zi bo'lgan O'zbekistonda bugungi kunda ham biznes uchun keng imkoniyatlar ochilmoqda. Janubiy Koreya kompaniyalari O'zbekis-tondagi investitsiyaviy loyihalarni o'zlashtirishga tayyorligini bildirayotgani, bu borada amaliy ishlarni olib borayotgani ikki mam-lakat manfaatini uchun birdek xiz-mat qiladi", deydi elchi Vitaliy Fen suhbat so'ngida.

"Dunyo" AA. Seul



Xoson ПАЙДОЕВ ошон суьратлап.

AHOLI MANFAATLARIGA MOS TASHABBUSLAR

Mana, 32 yildirki mustaqillik — muqaddas tuyg'u, buyuk ne'mat, oliy qadriyatimizga aylandi. Aytish mumkinki, istiqlolnng har bir yili voqealarga boy, tarixiy burilishlar davri bo'lgani bilan ham ahamiyatlidir.

Fikr

Ayniqsa, 2022-2023 yillar davomida ulkan tarixiy burilishga mengzaydigan islohotlar amalga oshirildi, bu O'zbekiston Prezidenti tomonidan yangi O'zbekiston oldiga qo'yilgan maqsadga vazifalar ijrosi borasida o'z sobitligimizni yaqqol namoyon qildi. Bir qator muhim siyosiy va iqtisodiy omillarga ko'ra, yil davomida dunyo jamoatchiligi o'zlashtirishga tayyorligini bildirayotgani, bu borada amaliy ishlarni olib borayotgani ikki mam-lakat manfaatini uchun birdek xiz-mat qiladi", deydi elchi Vitaliy Fen suhbat so'ngida.

"Mahalla byudjeti" tizimi eksperiment tariqasida joriy etilgan 14 ta tumandagi 764 ta mahallada shu yilning I choragida 45 mlrd. 249 mln. so'm miqdorida jismoniy shaxslardan olinadigan mol-mulk va yer soliqlari undirilishiga erishilgan. Bu o'tgan yildagiga nisbatan 1,8 baravar ko'p, demakdir.

Darhaqiqat, joriy qilingan tizim mahallaboy ishlarni yangi bosqichga olib chiqish orqali kam-bag'allikni qisqartirish, respublika, viloyat, tuman va shaharlarda ko'rsatiladigan davlat xizmatlari va manzilli moliyaviy qo'llab-quvvatlash vositalarining bevosita mahalla darajasiga tushirilishini ta'minladi. Pirovardida mahallaning o'zidayoq ko'plab muammolarga yechim topish, jumladan, mahalla infratuzilmasini yaxshilash, obodonlashtirish, moddiy yordam, ijtimoiy qo'llab-quvvatlash, kutubxonalar, sport maydonchalari qurish kabi masalalarni hal qilishga mustahkam zamin yaratildi.

Yoki yana bir misol. Muro-jaatnomada Toshkent shahri uchun qo'shimcha ravishda 1 mingta zamonaviy avtobus sotib olinishi, 7 ta yer usti metro bekati tashkil etilishi, bularning hisobidan esa har kuni 500 mingdan ziyod poytaxt aholisi va meh-monlariga qo'shimcha qulay-

liklar yaratilishi qayd etilgan edi.

Bugungi kunda shahrimizda yo'lovchi tashishni mavjud talablar asosida takomillashtirish orqali atmosferaga zaharli gazlar chiqishini kamaytirish, qatnov payti intervallarini maqbullashtirish hamda jazirama kunlari jamoat transportlarida qulay harorat bo'lishini ta'minlashga erishilganini hammaiz ko'rib turibmiz va avvalgi yillardagiga nisbatan ancha takomillashtirish xizmatlaridan foydalana boshladik.

Quvonarli, metroning yangi bekatlari foydalanishga topshirilib, ularni nomlashda keng jamoatchilik fikri inobatga olindi va o'ziga xos nomlar qo'yildi. "Toshkent metropoliteni" DUK matbuot xizmati ma'lumotlariga ko'ra, tig'iz vaqtlarda Chilonzor yo'nalishida 1,5 daqiqalik, O'zbekiston yo'nalishida esa 3-3,5 daqiqalik hamda Yunusobod yo'nalishida esa 5 daqiqalik inter-valda poyezdlar harakati yo'lga qo'yilmoqda.

Yangi o'quv yili boshlanishi munosabati bilan soha mutasaddilari zarur choralar ko'rayotgani ham, avvalo, xalq manfaatlariga to'la mosligi bilan e'tiborga molik.

Qisqacha aytganda, mustaqilligimizning o'ttiz ikkinchi odimi yurtimiz uchun zalvarli va samarali bosib o'tilayotir. Zero, islohotlar nafaqat siyosiy, ma'muriy, balki barcha sohada yuqori sur'atlarda amalga oshirilmoqda.

Zulayho AKROMOVA, Oliy Majlis Qonunchilik palatasi deputati.



"YASHIL" IQTISODIYOTGA O'TISH

tabiiy resurslarni tejashning oqilona yechimi

Prezidentimizning O'zbekiston Respublikasi davlat mustaqilligining o'ttiz ikki yilligiga bag'ishlangan tantanali marosimdagi nutqi mamlakatimizda amalga oshirilayotgan ulkan islohotlar sarhisob qilinishi barobarida kelgusidagi ustuvor yo'nalishlar belgilab olinishi bilan ham muhim ahamiyatga egadir.

Munosabat

Davlatimiz rahbari tomonidan ustuvor yo'nalishlar si-fatida ta'lim, sog'liqni saqlash, biznesni rivojlantirish, sud tizimini takomillashtirish ham-da suv va yoqilg'i-energetika muammolarini hal etish yu-zasidan katta loyihalar bosh-langani ta'kidlandi.

Shuningdek, trans- port-logistika tizimi bilan birga, bugun zamonning o'zi talab qilayotgan ilm-fan, innovat-siya, IT va aqliy mehnatga asoslangan boshqa sohalarini jadal rivojlantirishga ahamiyat qaratilishi e'tirof etildi. Ustuvor yo'nalishlardan biri sifatida ekologik muammolarni hal qilish, atrof-muhit muhofazasi sohasida ham amalga oshirilishi lozim bo'lgan muhim vazifalar qayd etib o'tildi.

Xususan, davlatimiz rahbari tabiiy resurslar kelajak avlod-larimizga ham tegishli bo'lgan boylik ekanini, shu bois ular-dan nafaqat bugungi, balki ertangi kunimizni ham o'ylab, oqilona foydalanishimiz zarur-ligini ta'kidladi. Buning uchun, albatta, "yashil" iqtisodiyotga o'tishni yanada jadallashtirish, suvni, energiya va boshqa tabiiy resurslarni tejaydigan texnologiyalarni keng joriy qilish muhim ahamiyatga ega.

E'tirof etish joizki, so'ngi yillarda suv resurslaridan samarali foydalanish, ularni boshqarish tizimini takomil-lashtirish, suv xo'jaligi ob'yekt-larini modernizatsiya qilish va rivojlantirish bo'yicha izchil is-lohotlar amalga oshirilmoqda.

Xususan, mamlakat miqyosida suvni tejaydigan texnologiya-lar joriy qilingan maydonlar 2018 yilgacha 28 ming gektarni tashkil etgan bo'lsa, bugungi kunga kelib mazkur ko'rsatkich 1 million gektarga yetdi.

Jumladan, 2022-yil yakuni bilan respublika bo'yicha jami 398,4 ming gektarda tom-chilatib, 31,0 ming gektarda yomg'irlatib, 16,3 ming gektar-da diskret sug'orish texnolo-giyalariga o'tilgan hamda 451,9 ming gektar maydon la-zer uskunasi yordamida tekislan-gan. Shu bilan birga, 73,0 ming gektarda egiluvchan quvurlar, 36,0 ming gektarda egatga plyonka to'shab sug'orish ish-lari amalga oshirilgan.

Ushbu texnologiyalar joriy qilingan maydonlarda suvni 40 — 50 foizga, mineral o'g'it-larni 25 — 30, yoqilg'i-moylash materiallarini 30 — 35 foiz-ga kamaytirish, shuningdek, hosildorlikni, jumladan, paxtachilikda 30 foizgacha oshirish imkonini bergan.

Umuman olganda, davlat-imiz rahbari tomonidan ilgari surilgan takliflarning ro'yobga chiqarilishi O'zbekistonning yanada taraqqiy etishiga, xalqimiz farovonligini, mam-lakatimiz ekologik xavfsizli-gini ta'minlashga, tinchlik va barqarorlikni yanada mustah-kamlashga xizmat qiladi.

Xayrullo G'AFFOROV, Oliy Majlis Qonunchilik palatasi Spikeri o'rinbosari.

O'ZBEKISTONNING IQTISODIY TARAQQIYOTI YO'LIDAGI SA'Y-HARAKATLARGA YELKADOSHIMIZ

O'zbekiston mustaqillikka erishgandan buyon mamlakat ravnaqi, xalq farovonligi hamda Markaziy Osiyoda tinchlik va barqarorlikni ta'minlashga qaratilgan o'z maqsadini aniq shakllantirdi.

Prezident ta'kidlaganidek, yangi O'zbekiston endi orzu emas, balki haqiqatdir.

Darhaqiqat, so'nggi yillarda O'zbekiston taraqqiyot va farovonlik sari tarixan muhim qadamlar qo'yd. Davlatning har bir fuqarosi erishilgan ijobiy yutuqlarni o'z tanasida his etdi.

Markaziy Osiyo mintaqasi taraqqiyotining yangi davri ochildi. Qisqa vaqt ichida O'zbekiston rahbarining shaxsiy hisssasi tufayli mintaqada ko'p yillar davomida to'plangan muammolar o'z yechimini topdi. Bugungi kunda Markaziy Osiyo davlatlari bilan barcha sohada munosabatlar yangi bosqichga ko'tarildi.



Din SYAOSIN, Xitoy zamonaviy xalqaro munosabatlar akademiyasining Yevrosiyo instituti direktori:

— Prezident Shavkat Mirziyoyev o'z nutqida islohotlar siyosati izchilligi va ochiqdigidan dalolat beruvchi milliy taraqqiyotning ustuvor yo'nalishlarini belgilab berdi.

O'zbekiston rahbarining nutqi tahlili shuni ko'rsatadi-



Su CHAN, Xitoy ijtimoiy fanlar akademiyasining Rossiya, Sharqiy Yevropa va Markaziy Osiyo instituti yetakchi ilmiy xodimi:

— Prezident Shavkat Mirziyoyevning O'zbekiston Respublikasi mustaqilligining 32 yilligiga bag'ishlangan nutqini katta qiziqish bilan o'qidi-m. Va aytish mumkinki, O'zbekiston o'z tamoyil-lari va pozitsiyalariga sodiq qolgan holda taraqqiyot yo'lidan dadil odim-lamoqda.

O'zbekiston rahba-rining pragmatik va oqilona siyosati, xalqning hamjihatligi va mehnatsevarligi tufayli mamlakat yildan-yilga yuksak marralarni zabt etmoqda. O'zbekiston erishgan yutuqlar xalqaro hamjamiyat tomonidan yuksak baholanmoqda.

Keyingi yillarda jamiyat va davlat hayotining barcha jabhasini qamrab olgan keng ko'lami islohotlarning sharofati o'laroq mamlakatdagi ijtimoiy-iqtisodiy vaziyat sezilarli darajada yaxshilandi. So'nggi olti yilda yalpi ichki mahsuloti hajmi 1,5 barobar, tadbirkorlik sub'yektlari soni 2 karra, sanoat o'sishi 40 foizdan oshgani buning yaqqol tasdiqidir. O'zbekiston qisqa vaqt ichida qash-shoqlikni 2 barobardan ziyod qisqartirishga erishdi.

Yangi ta'lim va yuqori malakali kadrlar tayyorlash tizimini shakllantirish, shuningdek, xotin-qizlarning jamiyatdagi rolini oshirishga alohida e'tibor qaratilayapti. Ushbu dolzarb vazifalarni hal qilmasdan turib, ko'zlangan maqsad va natijalarga erishish imkonin emas.

Bu sa'y-harakatlar tufayli O'zbekiston o'z taraqqiyoti va ravnaqi yo'lida yangi marralarni zabt etishiga ishonchim komil.

Jek LI, "ZTE" kompaniyasining xalqaro departamenti direktori:

— O'zbekiston Prezidenti nutqida mamlakat oldiga Mar-kaziy Osiyodagi eng yirik dav-latning yanada rivojlanishi va ravnaqiga yangi turki berish-ga qaratilgan katta vazifalarni qo'yd.


So'nggi yillarda O'zbe-kiston jadal rivojlanish sur'at-larini namoyish etayotgani, xalqaro hamjamiyat uchun jorzibador bozorga aylanib

Liu VEY, "XI'AN PUS GROUP" kompaniyasi ta'sischi:

— Mana, bugun O'zbe-kiston xalqi o'z yurti mustaqil-ligining 32 yilligini keng nishon-lamoqda. Ushbu muhim sana munosabati bilan o'zim va kompaniyam nomidan o'zbek xalqiga bayram tabriklarini izhor etaman.

Prezident Shavkat Mirziyoyev Mustaqillik kuni munosabati bilan so'zlagan tabrik nutqida O'zbekistonning so'nggi yil-lardagi iqtisodiy o'sishi va aholi turmush da-rajasi yaxshilanayotgani ta'kidlab o'tdi. Bu so'zlangan isbotini men mamlakatimiz bilan bog'liq faoliyatim davomida ko'rmoqdaman.

Joriy yil may oyida Sian shahrida o'tgan "Xitoy — Markaziy Osiyo" sammitidan buyon O'zbekistonda uch marotaba bo'ldim. Men



borayotgani juda quvonarli. Shu tufayli dunyoning ko'plab mamlakatlari, jumladan, Xitoy ishbilarmon doiralari-ning o'zbekistonlik she-riklar bilan faol hamkorlik-ga qiziqishi ortib bormoqda. So'nggi besh yilda Xitoyning O'zbekiston iqtisodiyotiga to'g'ridan-to'g'ri investitsiyalari hajmi 10 mlrd. dollardan osh-gani buning dalilidir.

O'zbekiston xalqini donishmand Prezidentning oqilona rahbarligi ostida kun sayin yangi islohotlar asosida rivojlanib borayotganini chuqur his etmoqdaman.



Bizning "XI'AN PUS GROUP" kompaniyasi jamoasi, shu-niingdek, "Bir makon, bir yo'l" tashabbusi doirasida Samarqand viloyatida yangi energetika, qish-loq xo'jaligi, infratuzilma, biotib-biyot, sog'liqni saqlash sohalariga investitsiyalarni faol ravishda jalb qilib, O'zbekistonning Guanch-jou Bosh konsulkonasi bilan birga o'z faoliyatimiz doiralari-ni kengaytirishda davom etmoqdamiz.

Umuman, O'zbekistondak kelajak buyuk davlatning iqtisodiy taraqqiyoti va mehnatsevar xalqning baxt-saodati yo'lidagi sa'y-harakat-lariga yelkadosh bo'lishdan mamnunmiz.

"Dunyo" AA. Pekin

OZOD YURT OBODLIKDAN YASHNAGAY



Shu ma'noda, Mustaqilligimizning 32 yillik bayrami "Yangi hayot uchun, Yangi O'zbekiston uchun!" bosh g'oyasi asosida nishonlanayotganing ham ahamiyati beqiyos. Viloyatlarda o'tkazilgan bayram tadbirlari, xalq sayillarida ham bu g'oya xalqchil va hayotiy ekani o'z ifodasini topmoqda.

Quyida mamlakatimiz hududlarida uyushtirilgan bayram shodiyonalari tafsilotlari bilan tanishasiz.

Qoraqalpog'iston Respublikasi. Eng olib hududlardan biri bo'lgan Taxtako'pir tumanidagi Beltov ovulida mustaqilligimizning 32 yilligiga bag'ishlab katta tadbir hamda xalq sayli bo'lib o'tdi. Aytish joizki, mamlakatimizda amalga oshirilayotgan keng ko'lami ishlohtlar nafasi Orolbo'yining eng chekka ovullarida ham sezilmoqda. Masalan, ilgari e'tibordan chetda qolgan ushbu ovul bugungi kunda zamonaviy infratuzilmaga ega obod hududga aylangan. Yo'llar ta'mirlandi, ijtimoiy soha ob'ektlari qayta bunyod etildi, qishloq aholi dehqonchilik, chorvachilik bilan shug'ullana boshladi.

Mamlakatimiz mustaqilligining 32 yilligiga bag'ishlangan bayram tadbirlari Orolbo'yining barcha tumanlarida qizg'in o'tmoqda. Xususan, Respublika Ma'naviyat va ma'rifati markazi, "Ma'rifat" targ'ibotchilar jamiyati tomonidan Qoraqalpog'iston Respublikasida tashkil etilgan "Ma'naviyat festivali" eng chekka ovullarida ham qamrab olmoqda. Nukus shahridan boshlangan festival tadbirlari Mo'ynoq tumanida "Yangi Mo'ynoq" kitob-albomi taqdimotiga ulanib ketdi. Eliklqal'a tumanida esa davlat va jamoat tashkilotlari, korxon va idoralarda "Inson qadri" loyihasi doirasida davra suhbattari, Taxiotosh tumanida ilmfan namoyandalari, madaniyat va san'at arboblari ishtirokida "Uch avlod uchrasuvi", Nukus tumanida "Yangi O'zbekiston — xalqchil va insonparvar davlat" shiori ostida milliy madaniy markazlar forumi bo'lib o'tdi.

Bayram munosabati bilan ko'plab hududlarda yangi ob'ektlar foydalanishga topshirilmog'uda. Masalan, Eliklqal'a tumanining eng olib hududi sanalqan "Shuqirraq" ovul fuqarolar yig'inida ichimlik suv nasos uskunalarini rekonstruksiya qilinib, ishga tushirildi. Yana shu tumanidagi 4 mlrd. 12 mln. so'mga barpo etilgan 33-maktab foydalanishga topshirildi.

Bayram shodiyonalari Qoraqalpog'istonning barcha shahar va tumanlarida ko'tarinki ruhda davom etmoqda.

Andijon. Vatanimiz mustaqilligining 32 yillik bayramini andijonliklar ham mehnatda munosib sovg'alar bilan qarshi oldi. Viloyat markazidagi Alisher Navoiy nomidagi madaniyat va istirohat bog'ida bo'lib o'tgan bayram dasturi avvalida ta'kidlanganidek, so'nggi besh yil mobaynida davlatimiz rahbarining tashabbuslari asosida hududda qator investitsiya loyihalari samarasida tadbirkorlar soni va aholining bandlik natijadorligi ortdi.

Jumladan, 3522 ta loyiha ijrosi ta'minlanib, buning natijasida 161 ming 473 nafar aholining bandligiga erishildi. Amalga oshirilayotgan bu kabi xayri ishlarida jonbozlik ko'rsatib, yurtimiz taraqqiyotiga katta hissa qo'shib kelayotgan bir guruh hamyurtlarimizning fidokorona mehnati munosib baholalanib, yuksak mukofotlari bilan taqdirlanishi esa inson qadr-qimmatiga bo'lgan e'tiborning yorqin ifodasidir.

— Bayram arafasida davlatimiz rahbarining Farmoniga asosan "Do'stlik" ordeni bilan taqdirlanish hamyatidagi eng unutilmas voqea bo'ldi, — deydi "Marhamat qurilish invest" MCHJ parodzalsh brigadasi boshlig'i Zulxumor Abdullayeva. — 15 yildirki qurilish sohasida mehnat qilaman. O'n yildan buyon xotin-qizlardan iborat quruvchilar brigadasi boshlig'i'man. Har yili besh-oltita ob'ekt qurilishida ishtirok etmoqdamiz. Viloyatimizning ko'rkam inshootlariga razm solar ekanman, ularning barpo qilinishida, ozzgina bo'lsa ham, hissam borligidan quvonaman. Ulug' ayyom borligidan quvonaman. Ulug' ayyom arafasida Marhamat tumanidagi Prezident

maktabini foydalanishga topshirdik. Bayram tadbirida davlatimizning yuksak e'tirofiga sazovor bo'lgan bir guruh hamyurtlarimizga davlat mukofotlari topshirildi. Istiqlolni kuylovchi dirabo go'shiq va raqslar oqshomga o'zgaracha tarovat baxsh etdi.

Buxoro. Yurtimiz go'shalarida bo'lgani kabi Buxoro viloyatida ham mustaqillikning 32 yilligi shodu xurrampik bilan qarshi olinmoqda. Bayram tadbirlari nafaqat shahar va tuman markazlari, balki eng chekka qishloq va ovullar ham qamrab olayotir.

Har qanday ayyom odatda, har jabhada erishilgan yutuqlar tufayli el-yurtga tatiydi. Deylik, viloyatda joriy yilning o'tgan davrida 17 trln. 300 mlrd. so'mlik sanoat mahsulotlari ishlab chiqarildi. Sakkiz oyda hududiy korxonalar tomonidan 123.8 mln. AQSH dollari miqdorida mahsulot eksport qilindi.

Aholining turmush darajasini oshirish doimiy e'tibordir. Tegishli dastur doirasida 985 ta qishloq hamda 435 ta mahallada qurilish va obodonlashtirish ishlari olib borilayotgani, shu maqsadlar uchun hozirgacha 4,7 trln. so'm mablag' sarflangan ham fikrimiz tasdiq'idir.

— Bugun qay bir go'shaga qaramang yangilanishlar, bunyodkorlikka ko'zingiz tushadi, — deydi O'zbekiston Respublikasi xalq ustasi, taniqli zardo'z Baxshillo Jumayev. — Aynan bayram arafasida 1300 dan ziyod oilalarga mo'ljallangan 44 ta ko'p qavatli uy foydalanishga topshirildi. Bitta yangi maktab qurilib, 12 ta umumta'lim maktabi mukammal ta'mirlangan, 100 dan ziyod maktabgacha ta'lim muassasalari faoliyati yo'lga qo'yilgani ham yurtimizda yosh avlod ta'lim-tarbiyasiga katta e'tibor qaratilayotgani nishonasi, albatta.

Bayram tadbiri avvalida istiqol tarannumiga bag'ishlangan badiiymusiqiy, teatrlashtirilgan tomosha namoyish etildi. O'tgan davr mobaynida amalga oshirilgan ishlar sarhisob qilindi. San'atkorlar ijrosidagi kuy-quo'shiqlar yig'ilganlarga xushkayfiyat bag'ishladi.

Jizzax. Yangilanayotgan O'zbekistonning tamomila yangicha qiyofasini o'zida mujassam etayotgan Jizzax viloyatida ham eng ulug', eng aziz ayyomimiz ko'tarinki kayfiyatda tantana qilinmoqda. Viloyatning shahar va qishloqlarida o'tkazilayotgan xalq sayillari, bayramona tadbirlarda aholi faol ishtirok etmoqda.

— Jizzaxda qurilayotgan turarjoy, ma'muriy va xizmat ko'rsatish binolari ta'limiga nazar tashlasangiz, viloyatimiz tarixida hali bunday o'zgarishlar bo'lmaganligiga ishonch hosil qilasiz, — deydi O'zbekiston Respublikasida xizmat ko'rsatgan yoshlar murabbiysi, "Nuroniy" jamg'armasining Sharof Rashidov tumani bo'limi raisi Parda Shukurov. — Uch-to'rt yil Jizzaxda bo'lmagan odam bugun nafaqat shahani, balki tumanlarni ham taniy olmaydi. Chunki zamonaviy binolar, bog'lar, xiyobonlar barpo etish, yo'llar qurish ishlari viloyat bo'ylab jadal amalga oshirilmog'uda.

Keyingi yetti yil mobaynida 6400 xonadonli 213 ta ko'p qavatli uy-joy qurilib, foydalanishga topshirildi. Viloyatning "Yangi O'zbekiston" massivlarida 1480 xonadonli 26 ta ko'p qavatli uy-joy qurilishi belgilangan. Bugungi kunda mazkur uy-joylarda qurilish-montaj ishlari jadal sur'atlarda olib borilayotir. Tadbirkorlik sub'yektlari tomonidan ham ipoteka krediti va o'z mablag'lari hisobiga 1635 xonadonli 58 ta ko'p qavatli uy-joy qurilishi belgilanib, bugungi kunda mazkur uy-joylarning 14 tasi foydalanishga topshirildi.

Viloyatda sanoat korxonalarining ishlab chiqarish hajmi 2017 yilda 2,6 trln. so'mni tashkil qilgan bo'lsa, 2022-yil yakuni bilan sanoat mahsulotlari hajmi 4,5 barobarga ortib, 11,4 trln. so'mga yetdi. 2023-yilning birinchi yarim yilligida 25 tadan ziyod xorijiy davlatlardan investitsiya mablag'lari jalb qilindi. Bugungi kunda viloyat Xitoy, Germaniya, Shveysariya, Latviya, Buyuk Britaniya, Janubiy Koreya, Rossiya va Turkiya davlatlari bilan iqtisodiy aloqalarni yo'lga qo'ydi va birgina Xitoydan jalb qilingan investitsiyalar miqdori 62,9 mln. AQSH dollarini tashkil etadi.

Bayram tadbirida yangragan quy-quo'shiq, lapar va aytishuvlarda Istiqol, tinchlik, do'stlik va Vatan madhi o'z aksini topdi.

Navoiy viloyatida yil boshidan buyon 277 ta investitsiya loyihasi hayotga tatbiq etilishi hisobiga olis qishloq va ovullarda ming-minglab yangi ish o'rinlari yaratildi. Chunonchi, birgina Nurota tumanida "Pistali" koni negizida 6-gidrometallurgiya zavodining ishga tushirilishi 2 mingdan ziyod yoshlarning ish bilan ta'minlanishiga zamin hozirladi. Ayni kunlarda Tomdi tumanida qurilishi jadal sur'atlar bilan olib borilayotgan, quvvati 500 MVT bo'lgan yuzlab elektr stansiyasi ham yana yuzlab qishloq aholining ijtimoiy bandligini ta'minlaydi.

Ayni bayram shukhi kezib yurgan shu kunlarda viloyatning turli hududlarida yuzlab oilalar o'z boshpanasiga ega bo'ldi. Jumladan, Navoiy shahrida harbiylar uchun qurilib, foydalanishga topshirilgan ko'p qavatli uy tinchligimiz posbonlari uchun bayram tuhafisi bo'ldi.

— Yigirma ikki yildan buyon harbiy sohadaman, — deydi Burhon Xidirov. — To'rt nafar farzandimiz bilan shu kungacha qadar ijarada yashadik. Mana, bugun o'z uyimizga ega bo'lib, ayyomni qo'shaloq bayram sifatida nishonlamog'udamiz.

Tadbirida ta'kidlanganidek, viloyatda yil boshidan buyon 3459 ta xonadonli 48 ta ko'p qavatli uy-joy barpo etilgan bo'lib, yil yakuniga qadar yana 738 ta xonadonli 20 ta ko'p qavatli uy-joy bunyod qilinishi ko'zda tutilgan. Bu o'tgan yildagiga nisbatan ikki hissa ko'p, demakdir.

Shuningdek, jami 1162,2 km. uzunlikdagi avtomobil yo'llari, jumladan, shaharlar va boshqa aholi punktlari



ko'chalarida rekonstruksiya va ta'mirlash ishlari amalga oshirilib, bayramdan-bayramga qadar salkam 46 ming aholi ik bor markazlashgan ichimlik suvidan bahramand bo'ldi. Natijada viloyat bo'yicha aholining ichimlik suvi bilan ta'minlanganlik darajasi 68,2 foizdan yil yakunida 81,5 foizga yetkazildi.

Viloyat markazida bo'lib o'tgan bayram tadbirida kuy-quo'shiq va raqslar ijro etildi, ayyom shukhi barchaning qalbiga ko'chdi.

Namangan. Viloyat aholi mamlakatimiz mustaqilligining 32 yilligini katta ko'tarinki va munosib mehnat muvaffaqiyatlari bilan kutib olmoqda. Davlatobod tumanidagi "Afsonalar vodiysi" tematik parkida "Yangi hayot uchun, Yangi O'zbekiston uchun" shiori ostida bayramning bosh tadbiri o'tkazildi.

Darhaqiqat, voha aholi bu bayramni mehnatda katta muvaffaqiyatlarga erishgan holda kutib olmoqda. Jumladan, viloyatda joriy yil boshidan buyon davlatkor doirasida 1671 ta ob'ektni obodonlashtirish, qurilish va ta'mirlash ishlari 3,2 trln. so'mdan ziyod yoki o'tgan yilning shu davridagiga nisbatan 1,7 trln. so'm ko'p mablag' yo'naltirildi. Shu hisobdan aholi uchun ko'plab turarjoy binolari, ijtimoiy inshootlar barpo etilib, yo'llar ravonlashtirildi, infratuzilmaning boshqa tarmoqlarida qurilish ishlari amalga oshirildi.

— Hayotimiz inson qadriini ko'tarish, uning roziligiga erishish borasida olib borilayotgan ishlohtlar bilan mazmunli kechmukda, — deydi bayram ishtirokchisi, Kosonsoy tumanidagi 9-ixtisoslashtirilgan umumta'lim maktab-internati direktori Ma'murjon Sultonova. — Ayniqsa, Vatan taraqqiyoti yo'lidagi fidoyi mehnat munosib bahosini olayotganligi e'tiborga molik. Chunonchi, qutlug' sana arafasida davlatimiz rahbari Farmoni bilan menga "O'zbekiston Respublikasida xizmat ko'rsatgan xalq ta'limi xodimi" faxriy unvoni berilganligi qadrdon jamoam, oila a'zolarim uchun ajoyib tuhfa bo'ldi.

Tantanalari san'at ustalarining kat-tala-ga-konserti va teatrlashtirilgan tomoshalar bilan ishtirokchilarga zavqli onlarni hadya etdi, bayramga shukuh bag'ishladi. Samarqand. "Yangi hayot uchun, Yangi O'zbekiston uchun" shiori ostida o'tayotgan asosiy bayram tantanalari bu yil shaharning Qorasuv massividagi "Yangi O'zbekiston" bog'ida bo'lib o'tdi.

31 avgust kuni erta tongdan sana munosabati bilan "Yangi O'zbekiston" bog'ida yoshlar sayli, maktab, oziq-ovqat, hunarmandchilik mahsulotlari yarmarkalari hamda sport o'yinlari va

ko'rgazmali chiqishlar tashkil etildi. Prezidentimizning tegishli farmonlariga ko'ra, O'zbekiston Respublikasi mustaqilligining 32 yilligi munosabati bilan samarqandlik bir guruh fidoyilar ham davlat mukofotlari bilan taqdirlandi.

— Bir necha yildan buyon mahalla raisi vazifasida ishlab kelyapman, — deydi Urgut tumanidagi Shodik mahallasi raisi, "Do'stlik" ordeni sohibi Rofe Nosirov. — Mahallaning ijtimoiy-iqtisodiy hayotidagi o'rni yuksalib borayotganini xalqimiz o'z hayotida his qilmoqda. Bugun bizning ham o'z aytar so'zimiz bor, ko'p masalalarni davlat boshqaruvi organlari oldiga qo'yib, muammolarga yechim topaymiz. Mahalla byudjeti shakllanmog'uda va o'z mablag'imizga ega bo'lyapmiz. Bayram arafasida Prezidentimiz Farmoni bilan menga berilgan yuksak mukofotni barcha mahalladoshlariga tegishli deb bilaman, buning uchun davlatimiz rahbariga minnatdorlik bildiramiz.

Tadbirida qayd etilganidek, bu yil ham viloyat ahli bayramni barcha sohada ulkan zafarlar bilan qarshi olmoqda. Shu kunlarda viloyat hududlarida to'yga to'yona sifatida yangi ob'ektlar foydalanishga topshirilyapti. Zamonaviy tibbiyot muassasalari, ta'lim maskanlari, talabalar turarjoylari, mehmonxona va ishlab chiqarish ob'ektlari shular jumlasidandir.

"Yangi O'zbekiston" bog'ida o'rnatilgan sahnada folklor ansambllari, el suygan san'atkorlarning chiqishlari yig'ilganlarga xushkayfiyat bag'ishladi.

Sirdaryo viloyati Guliston shahrida bo'lib o'tgan bayram tadbirlari dasturi g'oyat rang-barang bo'ldi. E'tiborlisi, bu yilgi tantanalari viloyat markazida

Muhammadiyev. — Barcha soha va tarmoqlarda amalga oshirilayotgan ishlohtlar tom ma'noda jamiyatni tubdan yangilashga, yangi O'zbekistonni barpo etishga zamin yaratmoqda. Bu o'zgarishlarni his qilish uchun bugungi kunimiz bilan kechagi kunni qiyoslashning o'zi kifoya. Bularning tag zaminida, avvalo, Vatan ozodligi, mustaqillik bergan imkoniyatlar mujassam. Istiqlolning o'ttiz ikki yillik shodiyonalari yurtodoshlarimizga bayramona ko'tarinki va shodu xurrampik baxsh etayotir.

Bayram sahnasida bolajonlar, harbiylar, sportchilarning rang-barang chiqishlari, milliy-etnografik guruhlari, badiiy jamoalar hamda poytaxtdan kelgan estrada xonandalarning diltortar kuy-quo'shiqlari dillarga quvonch va shodik ulashdi.

Toshkent viloyati. Bayram shukhi o'zbek, qozoq, qirg'iz, tojik, rus, ukrain, ozarbayjon, tatar, uyg'ur kabi turli millat vakillari istiqomat qilayotgan viloyatning shaharu tumanlaridan tortib, Tyan-Shan tog'lari bag'riga tutash Ugom va Chirchiq daryosidan Sirdaryogacha bo'lgan kengliklardagi uzoq qishloqlargacha yetib bordi. "Yangi hayot uchun, Yangi O'zbekiston uchun!" shiori bilan boshlangan katta to'y tadorigi ovul va mahallalarda karnay-surnay sadolariga ulanib ketdi.

"Obod xonadon", "Obod ko'cha", "Obod mahalla" tamoyillari tufayli, tumanlarda mahalla va gazdarlar, ko'chalar, xiyobonlar fayzu tarovatga burkandi. Ularning shukronasi piru badavlat nuroniylar, mehnat faxriylari izzat-ikrom qilinayotgan bayram dasturxonlarida takror-takror yangramog'uda.

Vatanimiz mustaqilligining o'ttiz ikki yilligi munosabati bilan e'lon qilingan Prezidentimizning farmonlari doirasida Toshkent viloyatida yashayotgan fan, ta'lim, madaniyat fidoyilari, ishlab chiqarish ilg'orlari, keksa yoshdagi nuroniylar vakillari ham davlatimizning turli darajadagi mukofotlari bilan taqdirlandi.

— Shu kunlarga yetkazganiga shukr, — deydi davlatimiz rahbarining Farmoniga ko'ra "Shuhrat" medaliga sazovor bo'lgan Parkent tumanida istiqomat qilayotgan 100 yoshli Anzirat aya. — Avvalo, nonu tuzga, berilgan umrga, farzand ne'matiga shukr. Tinchlik ne'matiga shukr. Bizni eslab, e'zozlaganlarni Robbim siylasin.

Bayram tantanalari kun sayin obod bo'lib borayotgan Chirchiq va Olmaliqda, Angren va Nurafshonda ham erta tongdan kech oqshomgacha davom etdi. O'shlar, ishlab chiqarish ilg'orlari, nuroniylar, mehnat faxriylari ishtirok etgan tadbirlarda ko'p millatli shahar aholisining bir oila farzandlaridek inoqligi namoyon bo'ldi.

Viloyatning barcha tuman va shaharlardagi tantanalarda taniqli sozanda va xonandalar tomonidan kuy-quo'shiqlar ijro etildi. O'shlarini vatanparvarlik va jasoratga undovchi sport va rassomchilik yo'nalishlaridagi



musobaqalar bo'lib o'tdi.

Farg'ona shahridagi Islom Karimov nomidagi viloyat teatr va konsert saroyi ochiq maydonida "Yangi hayot uchun, Yangi O'zbekiston uchun!" shiori ostida o'tkazilgan mustaqilligimizning 32 yilligiga bag'ishlangan viloyat bayram tadbirida aholi farovonligi, yurt taraqqiyoti yo'lida erishilayotgan yutuqlar alohida mamnuviyati bilan e'tirof etildi.

Tadbirida ta'kidlab o'tilganidek, mustaqillik in'om qilgan ulkan imkoniyatlar samaralari Farg'ona viloyati hayotida ham o'z ifodasini topmoqda. Shahar va qishloqlarning ko'rkamlashib borayotgani, aholi turmush darajasi muttasil yuksalayotgani shundan dalolat.

Joriy yilda viloyatda birgina mahallalar infratuzilmasini rivojlantirish uchun dasturlar doirasida 2,9 trln. so'mdan ziyod mablag' ajratildi. Buning natijasida 1529 km. ichimlik suvi, 774 km. elektr, qariyb 14 km. tabiiy gaz tarmoqlari tortildi, 2352 km. ichtki yo'llar asfaltlanib, aholining yashash sharoitlari yaxshilandi. Viloyatning eng chekka qishloqlariga qadar zamonaviy infratuzilma kirib borishiga erishildi.

Tantanalari tadbirida Vatanimiz mustaqilligining o'ttiz ikki yilligi munosabati bilan e'lon qilingan Prezidentimizning yuksak mukofotlari — orden va medallar bilan taqdirlangan 32 nafar farg'onalik yana bir bor qutlandi.

Bayram tantanalari viloyat va

respublika san'at ustalarining katta gala-konserti bilan davom etdi.

Qashqadaryo. Qarshi shahridagi Alisher Navoiy nomidagi madaniyat va istirohat bog'ida joylashgan amfiteatrdan o'tkazilgan teatrlashtirilgan bayram tadbiri mustaqillik, hurlik va inson qadri kabi g'oyalari bilan uyg'unlashgan tarzda namoyish etildi, bu ishtirokchilar qalbiga olam-olam quvonch hamda shodik ulashdi.

Mustaqillik sharofati bilan tobora ko'rkamlashib borayotgan vohaning shahar va qishloqlari jamoiga boqib ko'z to'yamaydi. Bu yangilanishlar istiqol sharofati, o'z taqdirini o'zi belgilab, yurt istiqol yo'lida erkin mehnat qilayotgan xalqimizning baxtu saodatidir. Jumladan, vohada 2023-2024 yillarga mo'ljallangan, umumiy qiymati 1 mlrd. AQSH dollaridan ortiq bo'lgan 500 ga yaqin sanoat va boshqa yirik loyihalar amalga oshirilmog'uda. Hududning eksport salohiyati o'tgan besh yil ichida 6 barobar, hududiy eksport ko'rsatkichi 10 barobar oshdi. Albatta, iqtisodiyotda erishilayotgan bunday yutuqlar aholining turmush farovonligini yuksaltirishda muhim ahamiyat kasb etmoqda.

Viloyatda mahallalar infratuzilmasini yaxshilash dasturiga asosan qiymati 530 mlrd. so'mlik 687 ta ob'ekt foydalanishga topshirildi, shuningdek, 2,5 trln. so'm mablag' evaziga 1700 ta ob'ektida qurilish-ta'mirlash ishlari bajarilmog'uda. Jumladan, ijtimoiy soha ob'ektlarini qurish, ta'mirlash bo'yicha 99 ta maktabda 276 mlrd. so'mlik, 35 ta maktabgacha ta'lim muassasasida 158 mlrd. so'mlik, shuningdek, 10 dan ortiq madaniyat va sport ob'ektlarida 14 mlrd. so'mlik xuddi shunday yumushlar uddalandi.

Mustaqillik yillarida erishilgan natijalar, keyingi yillarda turli sohalarda yuz berayotgan hayotbaxsh o'zgarishlar bayram dasturida ham o'z ifodasini topdi. El suygan san'atkorlar ijrosidagi dilbar navolar barchaga xushkayfiyat ulashdi.

Xorazm. Urganch shahridagi "Avesto" bog' majmuasida "Yangi hayot uchun, Yangi O'zbekiston uchun!" shiori ostida tashkil etilgan bayram dasturi yurtodoshlarimiz va xorijlik mehmonlarga nihoyatda manzur bo'ldi.

Tantana so'zga chiqqanlar voha aholini qutlug' bayram bilan tabriklab, o'tgan davr mobaynida viloyatda amalga oshirilgan keng ko'lami bunyodkorlik ishlari, yurtimiz ravnaqi va xalqimiz baxt-saodati yo'lida olib borilayotgan ishlohtlarning mazmun-mohiyati xususida gapirishdi.

Viloyat ahli eng ulug', eng aziz bayram — mamlakatimiz mustaqilligining 32 yilligini ko'tarinki kayfiyat, munosib yutuqlar, ulkan bunyodkorlik va yaratuvchanlik ishlari bilan kutib oldi. Bayram arafasida viloyat go'shalarida o'nlab yangi ishlab chiqarish ob'ektlari, savdo va maishiy xizmat ko'rsatish



binolari foydalanishga topshirildi.

Jumladan, Urganch tumanida loyiha qiymati 1 mln. AQSH dollariga teng bo'lgan 150 o'rinni "Parvoz" mehmonxonasi, Respublika ixtisoslashtirilgan endokrinologiya ilmiy-amaliy tibbiyot markazi Xorazm filiali uchun qo'shimcha yangi binolar, "Yangi O'zbekiston" massivlarida barpo etilgan ko'p qavatli turarjoylar qutlug' bayramga munosib tuhfa bo'ldi.

— Xalqimiz shukronalik, ertangi kunga katta ishonch bilan qarab, ulug' ayyomni shodu xurrampik bilan nishonlamog'uda, — deydi Respublika "Hunarmand" uyushmasi a'zosi, yog'och o'yimkorligi ustasi Odamboy Masharipov. — Bu yilgi bayram men uchun qo'shaloq shodiyonaga aylandi. Kamtarona mehnatim yuksak baholanib, Prezidentimiz Farmoniga binoan "Shuhrat" medali bilan taqdirlandim. Bu mukofot milliy hunarmandchilik an'analarini davom ettirish, yog'och o'yimkorligi sirlarini yosh avlodga o'rnatishda zimmamga yanada katta mas'uliyat yuklaydi.

Bayram tadbirida el sevgan taniqli san'atkorlar, baxshi va xalfalar, folklor jamoalari, estrada xonandalarning chiqishlarida ozod va obod yurt, uning mehnatkash xalqi, bugungi orilamon kunlarga shukronalik tarannum etildi.

